

ՏԵՂԵԿԱՑՈՒՄ

Լոռի Բերդ համայնքի ավագանու հերթական նիստի վերաբերյալ

Համայնքը	Միջոցառման անվանումը	Օրը	Ժամը	Անցկացման վայրը
Լոռի Բերդ	Ավագանու հերթական նիստ	14.04.2020թ.	11:00	Լոռի Բերդ համայնքապետարան (գ.Լոռի Բերդ, Աշոտ Երկաթ փողոց, շենք 7)

ԼՈՌԻ ԲԵՐԴ ՀԱՄԱՅՆՔԻ
ԱՎԱԳԱՆՈՒ 2020Թ. ԱՊՐԻԼԻ 14-Ի
ՆԻՍՏԻ ՕՐԱԿԱՐԳԸ ՀԱՍՏԱՏԵԼՈՒ
ՎԵՐԱԲԵՐՅԱԼ

/Զեկ. ԱՐԱՅԻԿ ՆԵՐՍԻՍՅԱՆ

Ղեկավարվելով «Տեղական ինքնակառավարման մասին» Հայաստանի
Հանրապետության օրենքի 14-րդ հոդվածի 6-րդ կետով.

համայնքի ավագանին որոշում է.

1. Հաստատել Լորի Բերդ համայնքի ավագանու 2020թ. ապրիլի 14

-ի նիստի օրակարգը՝ համաձայն հավելվածի:

ԼՈՌԻ ԲԵՐԴ ՀԱՄԱՅՆՔԻ ԱՎԱԳԱՆՈՒ ՆԻՍՏԻ ՕՐԱԿԱՐԳ

- 1) Լոռի Բերդ համայնքի ավագանու 2020թ. ապրիլի 14-ի նիստի օրակարգի հաստատում:
- 2) Լոռի Բերդ համայնքի 2020թ. բյուջեի 1-ին եռամսյակի կատարման մասին Լոռի Բերդ համայնքի ղեկավարի հաղորդումը ի գիտություն ընդունելու վերաբերյալ
- 3) Լոռի Բերդ համայնքի 2020թ. բյուջեում փոփոխություններ կատարելու վերաբերյալ
- 4) Լոռի Բերդ համայնքի Լեջան գյուղի բնակչին հողի հարկի գծով հարկային արտոնություն տրամադրելու վերաբերյալ
- 5) Լոռի Բերդ համայնքի Հայրենական Մեծ պատերազմի մասնակիցներին մայիսի 9-ի Հաղթանակի օրվա կապակցությամբ
- 6) Վերջին զանգի կապակցությամբ Լոռի Բերդ համայնքի դպրոցների երեխաներին նվերներ տրամադրելու վերաբերյալ:
- 7) ԵԿՄ Ստեփանավանի տարածքային ստորաբաժանանը մայիսի 8-ի Երկրապահի օրվա կապակցությամբ նվիրատվություն տրամադրելու վերաբերյալ
- 8) Հայաստանի Հանրապետության Լոռու մարզի Լոռի Բերդ համայնքի կամավոր խնդիրները, դրանց լուծմանն ուղղված սեփական լիազորությունները և դրանց իրականացման կարգը հաստատելու մասին՝ Լոռի Բերդ համայնքի ավագանու 2017թ. դեկտեմբերի 27-ի թիվ 14-Ա որոշման հավելվածը փոփոխելու վերաբերյալ
- 9) Համայնքային սեփականություն հանդիսացող և Լոռի Բերդ համայնքի Ագարակ գյուղի բնակչին պատկանող հողամասերի նպատակային և գործառնական նշանակությունը փոփոխելու և համայնքային սեփականություն հանդիսացող հողամասը աճուրդ-վաճառքով օտարելու վերաբերյալ:

ՆԱԽԱԳԻԾ 8

ԼՈՌԻ ԲԵՐԴ ՀԱՄԱՅՆՔԻ 2020թ.
ԲՅՈՒՋԵԻ ԱՌԱՋԻՆ ԵՌԱՄՍՅԱԿԻ
ԿԱՏԱՐՄԱՆ ՄԱՍԻՆ ԼՈՌԻ ԲԵՐԴ
ՀԱՄԱՅՆՔԻ ՂԵԿԱՎԱՐԻ ՀԱՂՈՐԴՈՒՄԸ
Ի ԳԻՏՈՒԹՅՈՒՆ ԸՆԴՈՒՆԵԼՈՒ ՄԱՍԻՆ

/Զեկ. ԱՐԱՅԻԿ ՆԵՐՍԻՍՅԱՆ

Ղեկավարվելով «Տեղական ինքնակառավարման մասին»
Հայաստանի Հանրապետության օրենքի 38-րդ հոդվածի 1-ին կետի 1-ին
ենթակետով՝

համայնքի ավագանին որոշում է.

Ընդունել ի գիտություն Լոռի Բերդ համայնքի 2020թ. բյուջեի 1-ին
եռամսյակի կատարման մասին Լոռի Բերդ համայնքի ղեկավարի
հաղորդումը:

ՆԱԽԱԳԻԾ 9

ԼՈՌԻ ԲԵՐԴ ՀԱՄԱՅՆՔԻ 2020թ.
ԲՅՈՒՋԵՏԻՄ ՓՈՓՈԽՈՒԹՅՈՒՆՆԵՐ
ԿԱՏԱՐԵԼՈՒ ՄԱՍԻՆ

/Զեկ. ԱՐԱ ՉՈՐԱՆՅԱՆ

Ղեկավարվելով «Տեղական ինքնակառավարման մասին» Հայաստանի
Հանրապետության օրենքի 18-րդ հոդվածի 1-ին կետի 5-րդ ենթակետով, 38-րդ
հոդվածի 1-ին կետի 1-ին ենթակետով և 83-րդ հոդվածի 2-րդ կետով՝

համայնքի ավագանին որոշում է.

1. Կատարել Լոռի Բերդ համայնքի 2020թ. բյուջեում հետևյալ փոփոխությունները համաձայն՝ հատված 1-ի:
2. Որոշումն ուժի մեջ է մտնում ընդունման հաջորդ օրվանից:

ԼՈՌԻ ԲԵՐԴ ՀԱՄԱՅՆՔԻ ԼԵՋԱՆ
ԲՆԱԿԱՎԱՅՐԻ ԲՆԱԿԻՉԻՆ ՀՈՂԻ ՀԱՐԿԻ
ԳԾՈՎ ԱՐՏՈՆՈՒԹՅՈՒՆ ՏՐԱՄԱԴՐԵԼՈՒ
ՎԵՐԱԲԵՐՅԱԼ

/Զեկ. ԱՐԱ ՉՈՐԱՆՅԱՆ

Ղեկավարվելով §Հողի հարկի մասին՝ ՀՀ օրենքի 10-րդ հոդվածով,
§Տեղական ինքնակառավարման մասին՝ ՀՀ օրենքի 18-րդ հոդվածի 42-րդ
կետով.

համայնքի ավագանին որոշում է.

- Հողի հարկի գծով հարկային արտոնություն տրամադրել Սեդա
Սարուխանյանին **60.000 (վաթսուն հազար)** ՀՀ դրամի չափով:
- Որոշումն ուժի մեջ է մտնում ընդունման հաջորդ օրվանից:

ԼՈՌԻ ԲԵՐԴ ՀԱՄԱՅՆՔՈՒՄ ՄԱՅԻՍԻ 9-ի
«ՀԱՂԹԱՆԱԿԻ ՕՐՎԱ»
ԿԱՊԱԿՑՈՒԹՅԱՄԲ ՀԱՅՐԵՆԱԿԱՆ ՄԵԾ
ՊԱՏԵՐԱԶՄԻ ՄԱՍՆԱԿԻՑՆԵՐԻՆ
ՆՎԵՐՆԵՐ ՏՐԱՄԱԴԻԵԼՈՒ ՄԱՍԻՆ

/Զեկ. ԱՐԱ ՉՈՐԱՆՅԱՆ

Ղեկավարվելով «Տեղական ինքնակառավարման մասին»
Հայաստանի Հանրապետության օրենքի 18-րդ հոդվածի 1-ին մասի 7-
րդ և 42 կետերով, ինչպես նաև Լոռի Բերդ համայնքի ավագանու
2017թ. դեկտեմբերի 27-ի 14-Ա որոշումով՝

համայնքի ավագանին որոշում է.

1. Լոռի Բերդ համայնքի Հայրենական Մեծ պատերազմի
մասնակիցներին մայիսի 9-ի Հաղթանակի օրվա
կապակցությամբ, Լոռի Բերդ համայնքի 2019թ. բյուջեից «Այլ
մշակույթային կազմակերպություններ» ծրագրի 08 բաժնի 02
խմբի 04 դասի 4269 հոդվածով նախատեսված գումարից
նվեր գնելու համար տրամադրել 60.000 (վաթսուն հազար)
դրամ.
- 1) Սուրեն Շամիրի Պապիկյանին – գյուղ Լոռի Բերդ:
2. Որոշումն ուժի մեջ է մտնում ընդունման հաջորդ
օրվանից:

ՎԵՐՋԻՆ ԶԱՆԳԻ ԿԱՊԱԿՑՈՒԹՅԱՄԲ
ԼՈՌԻ ԲԵՐԴ ՀԱՄԱՅՆՔԻ ԴՊՐՈՑՆԵՐԻ
ՇՐՋԱՆԱՎԱՐՏՆԵՐԻՆ ՆՎԵՐՆԵՐ
ՏՐԱՄԱԴՐԵԼՈՒ ՎԵՐԱԲԵՐՅԱԼ

/Զեկ. ԱՐԱ ՉՈՐԱՆՅԱՆ

Ղեկավարվելով «Տեղական ինքնակառավարման մասին»
Հայաստանի Հանրապետության օրենքի 18-րդ հոդվածի 1-ին մասի 7-
րդ և 42 կետերով, ինչպես նաև Լոռի Բերդ համայնքի ավագանու
2017թ. դեկտեմբերի 27-ի 14-Ա որոշումով՝

համայնքի ավագանին որոշում է.

3. Լոռի Բերդ համայնքի դպրոցների շրջանավարտներին վերջին
զանգի կապակցությամբ համայնքի 2019թ. բյուջեի «Այլ մշակութային
կազմակերպություններ» ծրագրի 08 բաժնի 02 խմբի 04 դասի 4269
նախատեսված գումարից նվեր գնելու համար տրամադրել 430.000(չորս
հարյուր երեսուն հազար) դրամ (յուրաքանչյուր շրջանավարտին 10.000-
ական ՀՀ դրամ):

4. Որոշումն ուժի մեջ է մտնում ընդունման հաջորդ օրվանից:

ԼՈՌԻ ԲԵՐԴ ՀԱՄԱՅՆՔՈՒՄ ՄԱՅԻՍԻ 8-ի
«ԵՐԿՐԱՊԱՀԻ ՕՐՎԱ»
ԿԱՊԱԿՑՈՒԹՅԱՄԲ ԵԿՄ
ՍՏԵՓԱՆԱՎԱՆԻ ՏԱՐԱԾՔԱՅԻՆ
ՍՏՈՐԱԲԱԺԱՆՄԱՆԸ 100000 ՀՀ ԴՐԱՄ
ՆՎԻՐԱԲԵՐԵԼՈՒ ՄԱՍԻՆ

/Զեկ. ԱՐԱ ՉՈՐԱՆՅԱՆ

Ղեկավարվելով «Տեղական ինքնակառավարման մասին»
Հայաստանի Հանրապետության օրենքի 18-րդ հոդվածի 1-ին մասի 7-
րդ և 42 կետերով, ինչպես նաև Լոռի Բերդ համայնքի ավագանու
2017թ. դեկտեմբերի 27-ի 14-Ա որոշումով՝

համայնքի ավագանին որոշում է.

5. ԵԿՄ Ստեփանավանի տարածքային ստորաբաժանանը մայիսի
8-ի Երկրապահի օրվա կապակցությամբ, Լոռի Բերդ համայնքի 2020թ.
բյուջեի «Քաղաքական կուսակցություններ, հասարակական
կազմակերպություններ, արհմիություններ» ծրագրի 08 բաժնի 04 խմբի 02
դասի 4819 հոդվածով նախատեսված գումարից 100000 (մեկ հարյուր
հազար) դրամը տրամադրել որպես նվիրատվություն:

6. Որոշումն ուժի մեջ է մտնում ընդունման հաջորդ օրվանից:

/Զեկ. ՄԱՐԳԱՐԻՏԱ ՀՈՎՍԵՓՅԱՆ

Ղեկավարվելով §Նորմատիվ իրավական ակտերի մասին՝ ՀՀ
օրենքի 33-րդ հոդվածի 1-ին մասի 1-ին կետով՝

համայնքի ավագանին որոշում է.

1. §Հայաստանի Հանրապետության Լոռու մարզի
Լոռի Բերդ համայնքի կամավոր խնդիրները, դրանց
լուծմանն ուղղված սեփական լիազորությունները և դրանց
իրականացման կարգը հաստատելու մասին՝ Լոռի Բերդ
համայնքի ավագանու 2017թ. դեկտեմբերի 27-ի թիվ 14-Ա
որոշման հավելվածը խմբագրել նոր բովանդակությամբ՝
համաձայն հավելվածի:

2. Սույն որոշումն ուժի մեջ է մտնում ընդունման
օրվանից:

Հավելված
ՀՀ Լոռու մարզի Լոռի Բերդ համայնքի ավագանու
2017թ. դեկտեմբերի 27-ի № 14-Ա որոշման
(Հավելվածը փոփոխված է Լոռի Բերդ համայնքի
ավագանու 14.04.2020թ. թիվ 14-Ա որոշմամբ)

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՌՈՒ ՄԱՐԶԻ ԼՈՌԻ ԲԵՐԴ
ՀԱՄԱՅՆՔԻ ԿԱՄԱՎՈՐ ԽՆԴԻՐՆԵՐԸ, ԴՐԱՆՑ ԼՈՒԾՄԱՆՆ
ՈՒՂՂՎԱԾ ՍԵՓԱԿԱՆ ԼԻԱԶՈՐՈՒԹՅՈՒՆՆԵՐԸ ԵՎ ԴՐԱՆՑ
ԻՐԱԿԱՆԱՑՄԱՆ ԿԱՐԳԸ**

3. Սույն կարգով կարգավորվում են Հայաստանի Հանրապետության Լոռու մարզի Լոռի Բերդ համայնքի (այսուհետև՝ համայնքի) կամավոր խնդիրների և դրանց լուծման նպատակով համայնքի տեղական ինքնակառավարման մարմինների սեփական լիազորությունների և իրականացման հետ կապված հարաբերությունները:

4. Համայնքի կամավոր խնդիրներն են համայնքի սոցիալապես անապահով բնակչության սոցիալական օգնության տրամադրման կազմակերպումը.

5. Համայնքի կամավոր խնդիրների լուծման նպատակով համայնքի տեղական ինքնակառավարման մարմինները իրականացնում են հետևյալ սեփական լիազորությունները՝

1) միջոցներ են ձեռնարկում սոցիալապես անապահով խավերի սոցիալական պայմանների բարելավման ուղղությամբ:

6. Համայնքի կամավոր խնդիրների և դրանց լուծման համար սեփական լիազորությունների իրականացման համար համայնքի բյուջեով նախատեսված ֆինանսական միջոցները չեն կարող գերազանցել համայնքի այդ տարվա բյուջեով նախատեսված եկամուտների 2,5%:

7. Կամավոր խնդիրների լուծման համար ֆինանսական միջոցների հատկացումը **իրականացնում է համայնքի ղեկավարը՝** համայնքի բյուջեով նախատեսված հատկացումներին համապատասխան և միայն դրանց համար անհրաժեշտ ֆինանսական միջոցների հատկացման չափերի մասին ավագանու որոշումների և (կամ) համաձայնության առկայության դեպքերում:

8. Այն դեպքում, երբ համայնքի ղեկավարի կողմից կամավոր խնդիրների լուծման համար չի պահանջվում ֆինանսական և գույքային միջոցների հատկացում՝ համայնքի ղեկավարը դրանք իրականացնում է ինքնուրույն և սեփական պատասխանատվությամբ:

9. Կամավոր խնդիրների լուծման իրականացման առաջարկություն կարող են նախաձեռնել համայնքի ղեկավարը, համայնքի ավագանու անդամները, բնակիչները, հասարակական կազմակերպությունները և միավորումները, ինչպես նաև քաղաքացիական հասարակության այլ ինստիտուտներ:

10. Այն դեպքում, երբ կամավոր խնդրի լուծման իրականացումը նախաձեռնում է համայնքի ղեկավարը կամ համայնքի ավագանու անդամը, նախաձեռնողը համայնքի ավագանու քննարկմանն է

ներկայացնում խնդրի լուծման իրականացման վերաբերյալ առաջարկությունը՝ նշելով դրա նպատակը, խնդրի կարգավորման համար անհրաժեշտ ֆինանսական միջոցի չափը և անհրաժեշտության հիմնավորումը հավաստող փաստաթղթեր, եթե դրանք առկա են:

11. Այն դեպքում, երբ կամավոր խնդրի լուծման իրականացումը նախաձեռնում են բնակիչները, հասարակական կազմակերպությունները և միավորումները, ինչպես նաև քաղաքացիական հասարակության այլ ինստիտուտները, ապա վերջիններիս կողմից լիազորված ներկայացուցիչը (այսուհետ՝ նախաձեռնող) համայնքի ղեկավարին է ներկայացնում կամավոր խնդրի լուծման իրականացման վերաբերյալ դիմում՝ նշելով դրա նպատակը և անհրաժեշտության հիմնավորումը, խնդրի կարգավորման համար անհրաժեշտ ֆինանսական միջոցի չափը և անհրաժեշտության հիմնավորումը հավաստող փաստաթղթեր, եթե դրանք առկա են:

12. Համայնքի ղեկավարը դիմումը և սույն կարգի 9-րդ կետում նշված անհրաժեշտ փաստաթղթերն ստանալուց հետո՝

1) կամավոր խնդրի լուծման իրականացմանը համաձայնվելու դեպքում՝ մեկամսյա ժամկետում ճշտում է դրանց արժանահավատությունը, հաշվարկում կամավոր խնդրի իրականացման համար գումարի մեծությունը և իր կարծիքը, ինչպես նաև կամավոր խնդրի իրականացման վերաբերյալ նախաձեռնողի ներկայացրած փաստաթղթերը և ավագանու որոշման նախագիծը ներկայացնում է համայնքի ավագանու քննարկմանը և այդ մասին տեղեկացնում է նախաձեռնողին.

2) կամավոր խնդրի լուծման իրականացմանը չհամաձայնելու դեպքում նախաձեռնողին՝ գրավոր տեղեկացնում է այդ մասին՝ նշելով չհամաձայնելու պատճառները, փաստական և իրավական հիմքերը:

13. Եթե կամավոր խնդրի լուծման իրականացման նախաձեռնողը սույն կարգի 9-րդ կետում նշված փաստաթղթերը ներկայացնելուց հետո մեկամսյա ժամկետում համայնքի ղեկավարից չի ստանում կամավոր խնդրի լուծման իրականացմանը չհամաձայնելու մասին գրավոր պատասխան կամ իր փաստաթղթերը համայնքի ավագանուն ուղարկելու վերաբերյալ գրություն կամ եթե նախաձեռնողը համաձայն չէ կամավոր խնդրի լուծման իրականացմանը համայնքի ղեկավարի չհամաձայնելու մասին հիմնավորումներին, ապա 20-օրյա ժամկետում համայնքի ղեկավարին ներկայացված դիմումի կրկնօրինակը՝ սույն կարգի 9-րդ կետում նշված փաստաթղթերի հետ միասին, իսկ կամավոր խնդրի լուծման իրականացմանը համայնքի ղեկավարի չհամաձայնելու վերաբերյալ գրավոր պատասխանի առկայության դեպքում՝ այդ պատասխանի վերաբերյալ իր առարկությունները կարող է

ավագանուն ուղղված դիմումը ներկայացնել համայնքապետարանի աշխատակազմ, որը պարտադիր քննարկվում է ավագանու առաջիկա նիստում:

14. Համայնքի ավագանին սույն կարգով նշված անհրաժեշտ փաստաթղթերը ստանալուց, ինչպես նաև իր նախաձեռնությամբ կամավոր խնդրի լուծման հարցը քննարկվում է միայն սույն կարգի 13-րդ կետում նշված սոցիալական օգնության տրամադրման հանձնաժողովի եզրակացության դեպքում և քննարկելուց հետո ընդունվում է որոշում կամավոր խնդրի լուծման իրականացման համաձայնություն տալու կամ մերժելու վերաբերյալ:

Համայնքի ավագանու որոշման մեջ նշվում են՝ կամավոր խնդրի իրականացման համար անհրաժեշտ ֆինանսական միջոցի չափը և անհրաժեշտության հիմնավորումը, իսկ կամավոր խնդրի լուծման իրականացումը մերժելու դեպքում մերժելու պատճառները, փաստական և իրավական հիմքերը:

15. Համայնքի ղեկավարը կարող է իր որոշմամբ հատկացնել սոցիալական օգնություն և այդ մասին հաղորդում է ներկայացնում ավագանու առաջիկա նիստում, որը ավագանու կողմից ընդունվում է որպես ի գիտություն.

1) յուրաքանչյուր նորածնի ընտանիքին՝ եթե ծնողներից որևէ մեկը (հայրը կամ մայրը) փաստացի բնակվում է համայնքում.

ա. առաջին և երկրորդ երեխայի համար 20000 (քսան հազար) դրամ
բ. երրորդ և ավելի երեխայի համար 30000 (երեսուն հազար) դրամ.

2) յուրաքանչյուր նորակոչիկ զինվորի երդման արարողությանը մասնակցելու համար նրա ընտանիքին 25000 (քսանհինգ հազար) դրամ, եթե նորակոչիկը կամ ծնողներից որևէ մեկը (հայրը կամ մայրը) փաստացի բնակվում է համայնքում.

3) համայնքի բնակչի հուղարկավորության կազմակերպման համար, եթե նա փաստացի բնակվել է համայնքում, նրա հուղարկավորությունը կատարողին՝ 25000 (քսանհինգ հազար) դրամ:

16. Սոցիալապես անապահով ընտանիքներին հատկացվող մեկանգամյա սոցիալական օգնության առավելագույն չափը սահմանվում է 30000 (երեսուն հազար) դրամ: Արգելվում է սոցիալական օգնության հատկացումը համայնքի ղեկավարի, համայնքապետարանի աշխատակազմի և համայնքային ենթակայության կազմակերպության աշխատակից հանդիսացող անձանց և նրանց ընտանիքի անդամներին:

17. Սույն կարգի խախտմամբ տրամադրված սոցիալական օգնության գումարները ենթակա են վերադարձման համայնքի բյուջե՝ համայնքի ղեկավարի անձնական միջոցներից ՀՀ օրենսդրությամբ սահմանված կարգով:

18. Համայնքի ավագանու կողմից սույն կարգով չկարգավորված կամավոր խնդիրների լուծումների իրականացումը սահմանվում են միայն ավագանու որոշմամբ:

ՆԱԽԱԳԻԾ 15

ՀԱՄԱՅՆՔԱՅԻՆ
ՍԵՓԱԿԱՆՈՒԹՅՈՒՆ ՀԱՆԴԻՍԱՑՈՂ

ԵՎ ԼՈՌԻ ԲԵՐԴ ՀԱՄԱՅՆՔԻ
ԱԳԱՐԱԿ ԲՆԱԿԱՎԱՅՐԻ ԲՆԱԿԶԻՆ
ՊԱՏԿԱՆՈՂ ՀՈՂԱՄԱՍԵՐԻ
ՆՊԱՏԱԿԱՅԻՆ ԵՎ
ԳՈՐԾԱՌՆԱԿԱՆ
ՆՇԱՆԱԿՈՒԹՅՈՒՆԸ ՓՈՓՈԽԵԼՈՒ
ԵՎ ՀԱՄԱՅՆՔԱՅԻՆ
ՍԵՓԱԿԱՆՈՒԹՅՈՒՆ ՀԱՆԴԻՍԱՑՈՂ
ՀՈՂԱՄԱՍԵՐԸ ԱՃՈՒՐԴ-
ՎԱՃԱՌՔՈՎ ՕՏԱՐԵԼՈՒ ՄԱՍԻՆ

/Զեկ. ՔՐԻՍՏԻՆԵ ՄԵԼԻՔՋԱՆՅԱՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 31-րդ կետով և ՀՀ Կառավարության 2011թ. դեկտեմբերի 29-ի «Հողերի օգտագործման ժամանակավոր սխեմաները կազմելու կարգը հաստատելու և Հայաստանի Հանրապետության կառավարության 2001թ. հունվարի 17 ի թիվ 30 որոշումն ուժը կորցրած ճանաչելու մասին» թիվ 1918-Ն որոշմամբ սահմանված կարգով և և հիմք ընդունելով համայնքի ղեկավարի առաջարկությունը.

համայնքի ավագանին որոշում է՝

1. Տալ հավանություն Լոռի Բերդ համայնքի Ագարակ գյուղում գտնվող՝ Արեն Գևորգյանի սեփականություն հանդիսացող 06-009-0040-0006 և 0007 ծածկագրերով 0.01694 հա մակերեսով բնակավայրերի բնակելի կառուցապատման նշանակության հողամասը փոխադրել արդյունաբերության, ընդերքօգտագործման և այլ արտադրական նշանակության օբյեկտների նպատակային գործառնական նշանակության:
2. Տալ հավանություն Լոռի Բերդ համայնքի Լեջան գյուղում գտնվող 06-038-0120 ծածկագրից առանձնացված 1.2 հա մակերեսով գյուղատնտեսական նպատակային նշանակության արտավայրը բնակավայրերի նպատակային նշանակության հասարակական կառուցապատման գործառնական նշանակության փոխադրելու և աճուրդ-վաճառքով օտարելու առաջարկությունը.

1 հեկտարի մեկնարկային գինը 1.440.000 ՀՀ դրամ:

3. Տալ հավանություն Լոռի Բերդ համայնքի Լեջան գյուղում գտնվող 06-038-0025-0006 ծածկագրով 0.07543 հա մակերեսով

բնակավայրերի այլ հողը փոխադրելու բնակավայրերի բնակելի
կառուցապատման գործառնական նշանակության:

4. Սույն որոշումն ուժի մեջ է մտնում ընդունման օրվանից:

ԼՈՌԻ ԲԵՐԴ ՀԱՄԱՅՆՔԻ ԱՎԱԳԱՆՈՒ ՆԻՍՏԻ

Օ Ր Ա Կ Ա Ր Գ

Անցկացման վայրը.

Լոռի Բերդի համայնքապետարան

Անցկացման ժամանակը.

14.04.2020թ. ժամը 11:00-ին

1) Համայնքի ղեկավարի ողջույնի խոսքը:

1. 1. Գումարել Լոռի Բերդ համայնքի ավագանու նիստ 2020թ. հունվարի 29-ին ժամը 11:00-ին Լոռի Բերդի համայնքապետարանում՝ հետևյալ օրակարգով.

1) Լոռի Բերդ համայնքի ավագանու 2020թ. ապրիլի 14-ի նիստի օրակարգի հաստատում:
(Ձեկուցող Ա. Ներսիսյան)

2) Լոռի Բերդ համայնքի 2020թ. բյուջեի 1-ին եռամսյակի կատարման մասին Լոռի Բերդ համայնքի ղեկավարի հաղորդումը ի գիտություն ընդունելու վերաբերյալ
(Ձեկուցող Ա. Ներսիսյան)

3) Լոռի Բերդ համայնքի 2020թ. բյուջեում փոփոխություններ կատարելու վերաբերյալ
(Ձեկուցող Ա. Չոբանյան)

4) Լոռի Բերդ համայնքի Լեջան գյուղի բնակչին հողի հարկի գծով հարկային արտոնություն տրամադրելու վերաբերյալ

(Ձեկուցող Ա. Չոբանյան)

5) Լոռի Բերդ համայնքի Հայրենական Մեծ պատերազմի մասնակիցներին Հաղթանակի օրվա կապակցությամբ նվերներ տրամադրելու վերաբերյալ
(Ձեկուցող Լ. Մկրտումյան)

6) Լոռի Բերդ համայնքի դպրոցների երեխաներին վերջին զանգի կապակցությամբ նվերներ տրամադրելու վերաբերյալ
(Ձեկուցող Լ. Մկրտումյան)

7) ԵԿՄ Ստեփանավանի տարածքային ստորաբաժանանը մայիսի 8-ի Երկրապահի օրվա կապակցությամբ նվիրատվություն տրամադրելու վերաբերյալ
(Ձեկուցող Ա. Չոբանյան)

8) Հայաստանի Հանրապետության Լոռու մարզի Լոռի Բերդ համայնքի կամավոր խնդիրները, դրանց լուծմանն ուղղված սեփական լիազորությունները և դրանց իրականացման կարգը հաստատելու մասին՝ Լոռի Բերդ համայնքի ավագանու 2017թ. դեկտեմբերի 27-ի թիվ 14-Ա որոշման հավելվածը փոփոխելու վերաբերյալ
(Ձեկուցող Մ. Հովսեփյան)

9) **9)** Համայնքային սեփականություն հանդիսացող և Լոռի Բերդ համայնքի Ագարակ գյուղի բնակչին պատկանող հողամասերի նպատակային և գործառնական նշանակությունը

փոփոխելու և համայնքային սեփականություն հանդիսացող հողամասը աճուրդ-վաճառքով
օտարելու վերաբերյալ:

(Ձեկուցող Ք. Մելիքջանյան)

2. Ելույթներ, առաջարկություններ:

3. Նիստի փակում:

ԱՇԽԱՏԱԿԱԶՄԻ ՔԱՐՏՈՒՂԱՐԻ Ժ/Պ՝

Ա. ՄԱՐՏԻՐՈՍՅԱՆ